

fanch myne siele na desen le-
 uen in die ewighe blytſcap
 den du verloest heueſt mit dy-
 nen duwen bloede. Amen. *En*
ſchoen ghebet van onſer lieuer
vrouwen marien en van ſun-
te iohannes euangelist. Ave


Din maria,
 beulecte en
 ewelick ghe-
 benedyt
 die men ne-
 mant ghe-
 liken en
 mach. *M*a-
 ria moder godes en altoes
 maghet alre hyllichſte tem-



pel godes. **D**at en trisoer des
hullighē gheestes. bi welken
alle die werlt leuet. **B**eighet
die oren uwer oetmodicheit
en ontfermherticheit toe my
nen cranken ghebede en we
set my een hulper sijn in alle
mynen liden en in alle myn
re noet. **O** sunte Iohannes
hemelike vrent godes gy sijt
van onsen heren maghet ver
coren en onder die anderen
meest ghemynst en meest
gheleert van hemelscher
wijsheit di rope ic an mitter
moder des verlossers op dat
du my wilste helpen voer